

Ukambi a Kolamelu

(2 Koreto 4:1-18, Joani 20:21)

Lu tshapita kene ka mukanda andi le asi Koreto Paulu akawaenya efanelu k'ukambi a Kristu a Kolamelu.

Nyendi ntundu Joani 20:21. Ukambi a Kristu a mete ambutumama lu « mission » (ekambelu) kandi uma le Jesu ndame, aha uma le antu. Ndi hoto l'ulimu one ne dia ndi akashidiya « cours » ka théologie kana pédagogie lu école supérieure. Jesu ndame ambuweta la leta landi, ambuwutuma la ntutsha ulimu andi, ulimu andi, ulimu a mbela antu le Jesu (nyendi ntu Mateu 28:19 Etsha 1:8).

Kakiane tende wuhu weli ukambi one a kolamelu

- 1. Vesa 13.** Ndi ambetsha akina ne dia ndame ambetawo Unyashvngu la ambeya Khumadiondjo Jesu l'utema andi. Okone ndi mvutelaka antu kene keyandi. Paulu akati ati: Dimi laketawo, okone mbakamateketa. Yimba y'antu hakuki l'ekambelu kene paka ewu ka Unyashungu. yukedi yeko : « L'habit ne fait pas le moine ». Dia ndota dihondo dia prêtre hashu untu utema kana yimba ya prêtre. Ukambi wuhu one, lateketa la wulu a Nyuma k'Ekila, ayuyala uku Jesu, One laketsha antu uku kanga aui (Mako 1:22).
- 2. Vesa 2.** Ukambi a kolamelu ambuta akambu wa Mete. Ndi hayetsha antu paka akambu wa ngenyangenya antu, keli akambu wambuya uma le Unyashungu wufundami lu mukanda andi. « Tambushula akambu wa mete, » mbata Paulu. Ndi ambufunda ntu (nyendi tshapita 2:17) « Ne dia shu kema uku antu efula, wane watulanyaka diui dia Unyashungu, keli shu teli uku antu a mete, uku wane wakatumama uma le Unyashungu, la lu ashu a Unyashungu, mbatutoteketaka le Kristu ».
- 3. Vesa 5.** Ndi hayasambisha keli ambusambisha Kristu Jesu uku Khumadiondjo. Ndi hayalemia, hayangi lutumbu uma le antu, keli ndi ambuyanga dia ambuki andi ntumbula Unyashungu. Untu heyi ndjaenya le antu uku untu a uki la menya antu Jesu mbala otoi. Ndi ambusambisha Jesu uku Khumadiondjo. Eli kawo mete dia mbeya Jesu uku Ushimbedi, keli ndi nangaka mbulela l'etemasu, dia etemasu ndjala uku diulelu diandi. Jesu ndame ambutetsha nombata ati, Diulelu diaye diayi (Luka 11:2) keli dio diayi ntundu l'utema ami.
- 4. Vesa 5.** Ukambi a kolamelu ambukambela akina. Paulu ati, « Shu shame uku ekambi anyu lu dikambu dia Jesu ». Ndi ambuho wuhu wa Khumadiondjo kandi: « Ndu On'a untu kundja dia antu mbukambela ulimu, keli ndi akayi dia mbakambela ulimu, la dia mbakimwela lumu landi ... » (Mateu 20:28). Wuhu weli umvutshi la etsha andi wambuteketa diui diuleki aui watumba uma l'unyo andi. Wuhu wemi ambuleka wuhu watami. Hakuki dia ukambi a Jesu

ndakanya antu naka ndi hayalakanya ntundu.

5. **Vesa 7.** Ukambi a kolamelu ambeya ati, Ndi eli uku « ekitshelu ka kete, » engo k'anyanya, « ne dia wuki a wulu utamanya ayali uma le Unyashungu aha uma le ndi ndame ». Naka Unyashungu ambutusha ushasha a Nyuma ne dia ndakanya antu, one kema dikambu dia ndjandula kana ndjambiya, keli dikambu dia ndjakitshakitsha. Ukambi a kolamelu ambeya ati, Unyashungu, ambunyimanyia akolo ami dimi kema la nduku, dikambu dia ndjala l'utaku. La okone ndi ayeya nyimanyia untu tshe leli la ndi dikambu (Luka 11:4).
6. **Vesa 8.** Ukambi one haheko l'atei a asui. Jesu ndame akasuwi. « Kuyanga ndi aki On'a Unyashungu ndi akeki ndjala l'ukitanyia lu akambu wakandasuwaka » (Heberu 5:8).
7. **Vesa 9.** Ndi ambuyanga ngenyangenya Nkhumadiondjo kandi. « Uma lu dikambu so shu tatulangaka mbongenyananya ». Nyendi ntu 2 Timote 2:3-4. « Usuwi ndu we uku dimbi di'ololo dia Kristu Jesu. Nduku dimbi dieya ndjadingitanyia lu akambu akina wa lumu lone lam'atshandi ulimu andi, ne dia ndi ayanga ngenyangenya lakawudji lu dimbi ».

Ukambi a kolamelu, Dikambu ne eli dikambu dia uki, analingu. Jesu ndame akati ati, « Naka untu ayunkambela ulimu ndi andjeli. Ukambi ami ayuyala lene ayumuyala. Naka untu ayunkambela ulimu, Papa ayôlemia » (Joani 12:26). Tuyangi lutumbu l'uma le Unyashungu, aha l'uma le antu (Joani 12:43).

Par Unya (Robert Harkness)